



ნ. ა. ლოლუასი

„ხდება ხოლმე, ერთი კომისია წასული არ არის, რომ მეორე მოიჩქაროს, გაიხედავ და მესამეც მოვადგება და ყველა ერთსა და იმავე საკითხებზე. ასეთი პრაქტიკა ანერვულებს პრომიის კოლექტივებს, ხელს უშლის მათ მუშაობაში. ერთი სიტყვით, რევიზიების ორგანიზაცია უნდა მოწესრიგდეს“.

კ. უ. ჩერნეცკო

— ეს რა აბიუენებიანთ?!
— ჩვენთან უამოწყებაზე იმდენი რევიზორი ჩამოდის, რომ იმუ-
ლეზული გავხდით, მათთვის სასტუმრო აგვეუენებინა!

„სანტექპურმარილბლოკ-
შავჭაგუდაყფელე ველა ფ-
რის“ ტრესტის მმართველ-
თა მმართველს აშხ. ბუთ-
ხუზ ლამაზოშვილს.

მისდამი დაქვემდებარე-
ბული საჩაროზ-სადესერტო
ნუგბართა ფაბრიკის დირე-
ქტორის ვ. ცხრატყემალა-
შვილის

მოსხენებითი ბარათი

მოგახსენებთ, რომ საჩაროზ-
სადესერტო ნუგბართა ფაბრიკაში
იმყოფებოდა კომისია, რომელმაც
ყოველმხრივ, ყოვლისმომცველად,
გულდაგულ, წონა-წონა, ზომა-ზომა
და მისხალ-მისხალ შეამოწმა ჩვენი
მუშაობა, რამაც გამოიწვია მთელი
რიგი უბნების მოცდენა. ამის გამო
ვერცხლის უბრალო ქალაქში
მთლიანად გახვეული, ნახევრადგახ-
ვეული, ნახევრადგახეული და გა-
უხვეველი კამფეტების საამქრომ
სქელ, ნახევრადსქელ და ნახევრად-
თხელ მუყაოს კოლოფებში მთლიანად

ყაოს კოლოფებში მთლიანად ჩალა-
გებული და ნახევრადჩალაგებული
ბონბონიერების საამქროებმა კვლავ
ვერ შეასრულეს გეგმა, ხოლო დია-
ბეტიანების და სხვა დარღვევების
მქონეთათვის კამფეტების და ლორ-
ფინების საამქრომ გეგმა შეასრუ-
ლა გადამეტებით. ტკბილი, ნახევ-
რადტკბილი და მშრალი კომპოტე-
ბის საამქრომ გეგმა კვლავ გადაჭარ-
ბებით შეასრულა, მაგრამ მეორე
კვარტალის გეგმა ასორტიმენტის
მიხედვით ისევე არ შესრულდა. ვალ-
დებულება ვიკისრეთ, რომ მესამე
კვარტალში გეგმას გადაჭარბებით
შეეასრულებდით, რითაც დავფარავ-
დით პირველი და მეორე კვარტა-
ლების დანაკლისს, მაგრამ უეცრად
მოგვადგა მესამე კომისია, რომელ-
მაც ასევე გულმოდგინედ შეგვაშო-
შა, რამაც გამოიწვია გაცდენ-მოც-
დენა საამქროების მიხედვით, ანა-
ლოგიურად წინა კვარტალებისა, და

ლებლად სხვა სანის ასორტიმენ-
ტებში, სადაც დანაკლისი გვაქვს.
ამიტომ გთხოვთ თქვენს ნებართვას
იმისათვის, რომ სქელ კოლოფებში,
რომლებიც განკუთვნილია ბონბონი-
ერებისთვის — „ჩიტის, ვერიტის, მარ-
გალიტის“, „ჩემო ტკბილო ქვეყა-
ნავი“ „საყვარლის კამფეტს ვეძებ-
დი“ — და დაგვაკლდა გეგმით, ჩა-
ვალაგოთ დიაბეტიანებისთვის, ათე-
როსკლეროზიანებისთვის და სხვა
დარღვევების მქონეთათვის განკუთ-
ვნილი კამფეტები. ნახევრადსქელ
მუყაოს კოლოფებში, რომლებიც გა-
ნკუთვნილია ბონბონიერებისთვის —
„გოზინაყური“, „სამოთხის ვაშლი“
და „ჩიტის რძე“, — და დაგვაკლდა
გეგმით, ჩავაწყოთ დიაბეტიანების-
თვის და სხვა ავადმყოფებისათვის
განკუთვნილი ვერცხლის ქალაქში
გახვეული შოკოლადი, ხოლო ნახევ-
რადთხელ კოლოფებში, რომლებიც
განკუთვნილია მარმელადისათვის —

კოჰისია!.. კოჰისია!.. კოჰისია!..

ნად ჩალაგებული და ნახევრადჩალა-
გებული ბონბონიერების საამქრომ,
სრულწონიანი და არასრულწონიანი
შოკოლადის ლორფინების საამქრომ,
პირველ კვარტალში გეგმა ვერ შეას-
რულეს, ხოლო დიაბეტიანების, ათე-
როსკლეროზიანების, კუჭ-ნაწლავთა
ტრაქტის დარღვევების მქონეთათვის
კამფეტების და შოკოლადის ლორ-
ფინების საამქრომ გეგმა შეასრულა.
ტკბილი, ნახევრადტკბილი და მშრა-
ლი კომპოტების საამქრომ გეგმა
გადაჭარბებით შეასრულა, მაგრამ
პირველი კვარტალის გეგმა ასორ-
ტიმენტის მიხედვით ვერ შესრულ-
და. გადაწყვიტეთ, რომ მეორე კვარ-
ტალში გადაჭარბებით შეეასრულებ-
დით გეგმას და დავფარავდით პირ-
ველი კვარტალის ჩავარდნას, მაგ-
რამ წავიდა თუ არა პირველი კო-
მისია, მოვიდა მეორე კომისია, რო-
მელმაც ასევე ყოვლისმომცველად,
გულდაგულ და სულდასულ შეგვა-
მოწმა, რამაც გამოიწვია სამუშაო
დროის გაცდენა, მუშახელის და მო-
სამსახურეთა მოცდენა, ვერცხლის
უბრალო ქალაქში მთლიანად გახ-
ვეული და სულ გაუხვეველი კამფე-
ტების, სქელ და ნახევრადთხელ მუ-

იუპორასკა

ასორტიმენტის გეგმა კვლავ არ შე-
სრულდა. ტკბილი, ნახევრადტკბილი
და მშრალი კომპოტების საამქრომ
გეგმა კვლავ გადაჭარბებით შეას-
რულა. გვეგონა, მეოთხე კვარტალ-
შიც შეგვაშოშობდნენ, მაგრამ ჩვენი
მოლოდინი არ გამართლდა და სა-
წარმოში შექმნილი მოლოდინის
ნერვული ატმოსფეროს მიუხედავად,
ყველა საამქრომ გეგმა შეასრულა.
ტკბილი, ნახევრადტკბილი და მშრა-
ლი კომპოტების საამქრომ გეგმა
გადაჭარბებით შეასრულა. გადაჭარ-
ბებით შეასრულა გეგმა, აგრეთვე,
ოთხივე კვარტალის მიხედვით მუყა-
ოს კოლოფების საამქრომ, რითაც
წარმოიქმნა ცარიელი კოლოფების
სიჭარბე. განსაკუთრებით დიდი გა-
დაჭარბებით შეასრულა გეგმა დია-
ბეტიანების, ათეროსკლეროზიანების
და კუჭ-ნაწლავთა ტრაქტის დარღ-
ვევების მქონეთათვის კამფეტების
და ლორფინების დამამზადებელმა
საამქრომ, რითაც წარმოიქმნა აღ-
ნიშნული სანის ასორტიმენტის დი-
დი სიჭარბე, რომელიც შესაძლებე-
ლია გამოვიყენოთ გეგმის შესასრუ-

„მშობლიური ცისარტყელა“ და
„იდეალური ნაკრები“ — ჩავალაგოთ
დიაბეტიანებისთვის და სხვა დარღ-
ვევებიანებისთვის განკუთვნილი ნა-
ხევრადგახვეული და გაუხვეველი კამ-
ფეტები. დარჩენილი კოლოფების
სიჭარბის მოსასპობად, გთხოვთ, ნე-
ბა მოგვცეთ, ბონბონიერებისთვის
განკუთვნილი კოლოფები გადავაკე-
თოთ ტკბილი, ნახევრადტკბილი და
მშრალი კომპოტების ჩასაწყობ ვერ-
ტიკალურ კოლოფებად, ეტიკეტების
შესაბამისი ლამაზი გაფორმებით.
ზემოთ აღწერილი ოპერაცია შესაძ-
ლებლობას მოგვცემს:

1. ჯანმრთელ მომხმარებელს მი-
ვაწოდოთ ნაკლებშაქრიანი შემცვე-
ლობის კამფეტები, რაც თავიდან
ააცილებს შაქრის ავადმყოფობას და
უფრო იაფიც დაუჯდება.


2. მოვსპოთ ცარიელი კოლოფე-
ბის სიჭარბე და მომხმარებელს მი-
ვაწოდოთ ლამაზად შეფუთული კო-
მპოტები ეტიკეტის შესაბამისი გა-
ფორმებით.

3. შეეასრულოთ წლიური გეგმა,
რაც საშუალებას მოგვცემს თავი არ
შევირცხვიოთ.

მოსხენებითი ბარათი მოიპოვა
სოლ. ველოვანიძე

ყველა ორგანიზაციაში, სადაც გამოვლენილია დანაშაულებრივი საქმიანობის ფაქტები — ვაჭრობის, საყოფაცხოვრებო მომსახურების, ადგილობრივი მრეწველობის, სხვა სამინისტროებისა და უწყებების ობიექტებზე, უმაღლეს სკოლაში, ჯანმრთელობის დაცვის დაწესებულებებში — ყველგან შეიქმნა სამუშაო ჯგუფები და სხვადასხვაგვარი კომისიები. შემოწმებისას კი აღმოჩნდა, რომ მთელ რიგ შემთხვევაში ისინი ფორმალურად ყოფილა შექმნილი.

ნ.ბ. ბ. ლომიძისა



უსიტყვეოდ

ჩაქველი კიო

ღვინო არ იყო და არც საცირკო განათლება მიუღია ქობულეთის რაიონის ჩაქვის პურკომბინატის ცვლის უფროსს ა. აბუსედიძეს, მაგრამ იმისთანა ფოკუსებს აკეთებდა, რომ ღმერთსაც შურდა და ცირკის ილუზიონისტსაც.

ასე მაგალითად: მას შეეძლო მთლად არაფრისგან შეექმნა მთლად უმაღლესი ხარისხის ფქვილი, აქედან მომდინარე ყველა შედეგით — „ალითით, ფუნთუსით, ხაჭაპურით, ლავაშითა და ბატონით... და რაკი ყველაფერი ბატონით მთავრდებოდა, უბატონოდ ხმას ვერავინ სცემდა!..

ა. აბუსედიძის ნიჭით სერიოზულად დაინტერესდნენ დარგის სპეციალისტები და ჩამოაკითხეს კიდევ.


ცვლის უფროსმა ნირიც არ შეიცვალა მათ დანახვაზე, არც აღლევებულა — ვაითუ, ნომერი არ გამომივიდესო, აუკანკალებელი ხელის ერთი მანიპულაციით მან შექმნა ფქვილის დიდი რაოდენობა, რაც სპეციალისტებმა 1902 მანეთად შეაფასეს!..

მანიპულაციის ხანმოკლე სენსში იმის შიშით, რომ არაფერი შეეშალოსო, ერთ ეპიზოდში აბუსედიძეს ხელი შეაშველეს ჩაქვის პურკომბინატის დირექტორმა გ. კაკაბაძემ, ქართული პურის საცნობის გამგემ ნ. ლუკაშვილმა და აჭარის პურის მიწოდების საწარმოს ქობულეთის პუნქტის ლაბორანტმა ნ. კონრეიძემ.

სენსმა სენსაცია გამოიწვია — სახეზე იყო 1750 კილოგრამი უმაღლესი ხარისხის ფქვილი და არავის ძალუძდა ეთქვა, თუ საიდან ჩამოცვივდა იგი, რა ტარამ ატარა, ან რა ქარმა მოიტანა!..

თავად ა. აბუსედიძემ არ ინდომა თავისი პროფესიული საიდუმლო გამხელა და ტყუილი დაახეთქა; ფქვილი ციურ მანანსავით ციდან მოცვივალ! შეშინდნენ ამის მომხმენნი, ამ ცაცმა მთლად არ აიწიოსო და იგი კვალფიკაციის დასადბლებელ კურსებზე გააგზავნეს!..

არღანიდო არღაშენია



ლატარიის გილტოს

სომ დავესეთქე უკვე გულეში, —
მაინც ჯიბეში ვევიფიგულეში!

დაუმოკლდა!..

აღარ მოერგო, არცა აქვს მეტი, —
მთლად დაუმოკლდა ავტორიტეტი!

ვეღარ!..

შესვლით კი, მაგრამ იცით რა მოსდის? —
სიუჟეტიდან ვეღარ გამოდის!..

ამოგსდით!..

ჭოჭმან-ჭოჭმან, ცოხნა-ცოხნით
ბერბიჭობა ტვინს ამოგსდით!

რომ იყოს!..

ღირსი რომ იყოს, ვინ დაობს? —
დადის, და იუბილაობს!

დაისხა!..

ოცნებაც დაახარისხა:
თავმა შავი თმა დაისხა!

გალაღება

ვალაღება ორმხრეობა, —
დღეს ის სხდომამოხდელია!

დასმოტავდი!..

ყალბ სიტყვიდან ყალბ ცნობამდე
გაბეჭდებდნენ... დაცოტავდი!

ლაჩარი

დარბაზს უაზროდ უჭვრიტა,
რეპლიკის სროლაც უჭირდა!

ღონე

ის არ დავა, — მიტომ ვენდე, —
ცის ღონიდან ზღვის ღონემდე!

გასაღება

პროფილს—ანფასად, ანფასს—პროფილად
როგორ ასაღებს! — ეს ვინ ყოფილა?!

პრეგავა!..

მე შეჩვენება, ეგება:
ურგები საქმეც ურგება!..

კამათი

დაღმწასულ აღმადრეუნიო
კამათობენ კამათულიო!..


ზურგი

ზურგი ჰქონდა და ენად აქცია:
სამჭომ დაიცვა დისერტაცია!

გამწვანება

მუშაობს ახალ თემაზე —
ახაკის გამწვანებაზე!

ზაზა კაციაშვილი



გუნების კანონები — შსოკიკაპი

ენერჯის უნახვისა და
გარდაქმნის კანონი

სასარგებლო შრომაში
დასარგული ენერჯია კი არ იქარ-
გება, არამედ სახალხო დოვლა-
თად გარდაიქმნება.

მსოფლიო მიზიდულობის
კანონი

სხეულის მიზიდულობის
ძალა მით უფრო დიდია, რაც
უფრო ახლოსაა და რაც უფრო
შოსდენილია იგი.

კომუნიტატიურობის ანუ
გადანაცვლებადობის კანონი

გამფლანგველთა გადაად-
გილებით გაფლანგვის ჭამი
არ იცვლება.

მიანობითი გამოთვლა

რძის, აგრეთვე სხვა პრო-
დუქტების ფასების მიანობითი
გამოთვლისას რიცხვების ჭამის
შეტობითი და შეტისშეტობითი
დამრგვალება, ჩვეულებრივ, იწ-
ვევს გაშვიდვლის შეტისშეტ
დამრგვალებას.

უდიდესი საერთო გამოვლი

ურთიერთკომუნიტატიურობა
ოჯახის უდიდესი საერთო გამო-
ყოფია.

სითბური გაფართოების
კანონი

ალამინური სითბოსგან ნე-
ბისშიერი გული ფართოვდება,
ხოლო სიცვისგან — იკუმ-
შება.

პასკალის კანონი

პურჭულზე მოქმედი სით-
ხის წნევა იზრდება ჩასხმული
სითხის რაოდენობისა და სიმაგ-
რის პროპორციულად.


არაწესიერი სამკუთხედის
ნიშნები

სიმპარულის სამკუთხედ-
ში ყველა კუთხე ზღაგია.

გუნებრივი შერჩევის
კანონი

მალბიაში ნაცნობებისა
და გადაშვიდვლებისათვის უკე-
თესი საქონლის შერჩევა ზოგიერთ
გაშვიდველს ბუნებრივი შერჩევის
კანონად ესახება.

აკოლონ ბასილია



უსიტყვოდ

ბაკათი დანაკითხ

საფოსტო ბარათი მაქია — დღეს მაქ როა,
სვალ აქ მოვა!

ენინების უბაძუნება

სადავოს შინ დაბრუნებულმა თბილისელ-
მა ნოე ჩხეტიამ ის იყო, ყველა საქმე
მოათავა და ფიქრობდა, თავი რით შევიტყვიო,
რომ აუქციონზე მიწვევის ბარათი მიიღო:

„მოქ. ნოე ჩხეტიას

აღმასკომი ვაცნობებთ, რომ აღნიშნულ სო-
ფელში არსებული საცხოვრებელი სახლი და
სხვა ნაგებობების (სტილი დაცულია, სასვენი
ნიშნების ხმარების წესი — არა) კანონიერი
მფლობელი ჩვენთვის უცნობია, ვაფრთხილებთ
გამოცნადდეთ სას. საბჭოს აღმასკომში სათანა-
დო მითითების მისაღებად (ვადა ერთი თვე).
წინააღმდეგ შემთხვევაში სახლი და სხვა ნაგე-
ბობა გაიყიდება საჯარო წესით ან გადაეცემა
კომუნალურ მეურნეობას.

ნაესაკოლოს სას. საბჭოს აღმასკომის თავ-რე
ჯ. კუჭუნიძე“.

გაკვირდა ბატონი ნოე, მე მწერენ, თუ მე არ
მწერენო. თუ მე მწერენ, მე ხომ ნოე მქვია და
არა ნოე ვო, იქნებ ნოე ჩხეტიაც არსე-
ბობს და ეს მიწვევა მე შეცდომით მომივიდაო.
და თუ მე ვარ ნოე ჩხეტი და ნოე ჩხეტი, აღნიშნულ
სოფელში არსებული საცხოვრებელი სახლი და
სხვა ნაგებობები“ ვიღასიოა?!

დიდხანს იფიქრა და მერე დაასკვნა, ალბათ
მართლა უპატრონო სახლ-კარი აღმოაჩინეს ნაე-
საკოლოში და საჯარო ვაჭრობაზე მეპატიჟები-
ანო. ამ დასკვნამ გაბრაზებამდე მიიყვანა ბატო-
ნი ნოე (იქნებ, იგივე ნოე):

კაცო, რა დიდი ფულის პატრონი მე მნახეს,
რომ აუქციონზე მიწვევებო, მაინც რას მაგუ-
ლებენ სამამულო ომის მეორე ჯგუფის ინვა-
ლიდს, მრავალციფრული ოჯახის პატრონსო?!

მერე კიდევ დაფიქრა ბატონი ნოე (ნამდვი-
ლად იგივე ნოე) და ეჭვმა გაკენწლა — აქ
ფარსავი რამ არ იყოს, საჯარო გაყიდვა დედა-
ჩემისეულ სახლს არ ეშუქებოდესო, მაგრამ
იქვე გული დაიმშვიდა, შემკვიდრებობა ნოტარი-
ალური წესით მაქვს გაფორმებული, ნაესაკოვო
ელეტი თანასოფელელად ნოევიან, ჭირშიც და
ლხინშიც მათთან ვარ, მშობლიურ კერას არ
ვაცივებ და მე რაზე უნდა ჩამაცივდნენ, თანაც
სასოფლო საბჭოს თავმჯდომარეს ხელის ჩა-
მორთმევით ვიცნობ, შეგებულებისას სოფელში
რომ ვიყავი, მაშინაც მნახა და, აბა, უცნობებში
როგორ გამრევსო?!

და მაინც გული ვერ დაიმშვიდა ბატონმა
ნოემ (ვაითუ, მართლა იგივე ნოემ) ერთიც
ვნანოთ და მართლა ჩემი სახლი უნდა გაიყი-
დოსო! ამ ყოყმანში გამაფრთხილებელი ვადა —
ერთი თვეც გავიდა და 1984 წლის ივლისიდან
მეორე თვე დაიწყო, 1984 წლის 14 აგვისტო-
დან — მესამე თვე და ა. შ..

რაც დრო გადის, მით უფრო ვეღარ ზედავს
ბატონი ნოე (იგივე ნოე) მშობლიურ ნაესა-
კოლოში ჩასვლას და ჩვენ გვეკითხება, ახლა
რომ წავიდე, ისევე ჩემად დამხვდება თუ არა
დემდამისეული სახლი, და თუ არ დამხვდება,
შემიძლია თუ არა, საჯარო ვაჭრობის წესები-
დან გამომდინარე, უკანვე გავიბრუნოო?!

ამ კითხვაზე პასუხის გაცემისას ფრიად
შემფოთდა „ნინავი“ და ბოლოს გადაწყვიტა,
კონსულტანტად მოიწვიოს აბაშის რაიონის სო-
ფელ ნაესაკოლოს სასოფლო საბჭოს თავმჯდო-
მარე ჯ. კუჭუნიძე.

ელგუჯა მირაბიჭვილი

მსოხნავები

უხნაური არსებანი გაჩნდნენ თბილისში. ყველგან არიან ისინი: ქუჩებსა და მოედნებზე, თეატრებსა და კლუბებში, ყველგან, ყველგან გადაყვები მათ! ერთი შეხედვით არაფრით გამოირჩევიან, ჯინსებში გამოკვარულგან, ზოგი „დუბლიონკითა“ შებურვილი და ხვითი გადასდის. მშვენიერთა სქესის წარმომადგენლებს თვალები ნაირ-ნაირი საღებავებით აქვთ ჩალამებული, სამკაულებიც გამომწვევად უბზინავთ, მაგრამ მთავარი ეს არ არის: ყოველი მათგანი ჩვეულებრივ მოკვდავთაგან იმითაც განსხვავდება, რომ კევს შეუსვენებლივ ღეჭავს, ესე იგი იცოხნება.

ერთხელ თურმე რაჭაში მეზობელი მეზობელს წაეჩხუბა, არც ლანძღა და არც ავინა, მხოლოდ სახალსოდ განაცხადა, საქონელია, ოღონდ არ ნამცოხრობსო! თბილისელი უცნაური არსებანი კი პირუტყვეები ნამდვილად არ არიან, ისეთ ენას ასარსალებენ, დაგიფარაღმერთმა, თუმცა იცოხნებიან და თან როგორ! ლაშები ზღვასავით უღელავთ, უფალო მოგვიტევე, და დორბიც ჩამოსდით, არა, ყველას არა, ასეთი მარცხი მარტოოდენ ახალბედებს მოსდით, ხოლო ზოგიერთი ცოხნის უბადლო ხელოვანია, ისეა გავარჯიშებული „სადრეჭელს“ ანუ კევს, ბურთივით გამობურავს, „ტკლავო“ დააძახებინებს, მერე მოქნილი ენის წვერით ხასაში შეიტყორცნის და კამეჩივით გემრიელად ახრამუნებს. თუ ტრანსპორტში მასავით ბედნიერები სხვებიც მოიპოვებიან, გაეხარაით, ამაზრუნენი კონცერტი იმართება და უსამელო მტლამეტლუმს ბოლო არ უჩანს.



— რაც მართალია, მართალია. დაკარგა ზოგიერთმა ახალგაზრდამ ზრდილობა! — ხმამაღლა ჩივის კენიანს სახიანი მანდილოსანი.

— რა მოხდა მერე? — ამშვიდებს მას მოპროფესორო სიფათი. — მე და თქვენ, ქალბატონო, კბილებიც აღარ გავგაჩნია, კევს კი არა, წანდილს ვეღარ დავღეჭავთ, ხი, ხი, ხი...

— კი მარა, შეიძლება ასე სახალსოდ ყველაფრის ქნა?!

— მაგაზე უარესიც მინახავს, აგერ, ე მუტრუკი მზეს-უმზირას რომ აკნატუნებს და ჩენჩოს საყელოში მაყრის, ნამეტანი მიხარია?!

— ეჰ, ჩემო კარგო, თამბაქოს კვამლი მკლავს, მაგრამ ვის ვებრალები, ორთქლმავალივით აბოლებენ და აქაურობას წამლავენ. რო ნამეტანი არ აწლაპუნებდნენ, კევი მართლა ქეა მოსათემენი!

ანაზღად საუბარში ქურქოსანი ჩაერია:

— ენაცვალოს დედა, ჩემი ქალიშვილი კევს ისე საყვარლად ღეჭავს, ლამის ტუჩები დავუკოცნო, თავვივით აცმაცუნებს, ერთ უხამს ბეგრას ვერ გაიგონებთ, ასეთმა ღეჭოს, ვის რას დაუშავეს?

— არა, ბატონო, მიუღებელია — გაწიწმატდა პენსიონერი ექიმი, — კუჭს ატყუებს, სანერწყვე ჯირკვლები ცვდება, თან არაპიგიენური და, რაც მთავარია, არაესთეტიკურიცა...


— დაიწყო ახლა ამან ღეჭვია! — ჩაიქნია ხელი მოპროფესორო სიფათმა, პაპიროსი ბილეთების საღაროს მისარისა და ღია კარიდან შორს გააპურჭყა.

მეყსეულად ტროლეიბუს ბიგელები ავარდა, ხალხი შეკრთა, შეტორტმანდა, მერე ვითომ აქ არაფერიო, მცოხნავებმა ცოხნა განაგრძეს, მოპროფესორო სიფათმა საკუთარი ცხვირი გაიხნადა სამოქმედო ასპარეზად, მას კენიანს სახიანი მანდილოსანი თავზარდაცემული შეცქეროდა.

...მართლაცდა უცნაური არსებანი გაჩნდნენ ჩვენს სათაყვანებელ დედაქალაქში!

ივანე ვაჭირაული

ნახ. ბ. ჰანტურიასი



— რაო, რა მინდაო?!

— რევიზია ხელმეორედ უნდა ჩავატაროო!

გაჩითოული სენჯანსიები

- **თუ** არ გინდა ცხოვრებაში იყო საცოდავი, პირველ რიგში შეისწავლე საკუთარი თავი!
- **ტკბილი** სიტყვებით თაფლავდნენ, სანამ მიწაში ჩაფლავდნენ.
- **თვალს** მხოლოდ მაშინ ახელდა, როცა უფროსი ამხელდა.
- **სულ** გამოსარჩენს ეძებდა, რადგან უსაქმოდ ვერ ძლებდა.
- **ყველამ** რაღაც აპატია და დასჩემდა აპათია.
- **ღვიწივი** ისე შეტოპა, ცოცხალ კაცს უთხრა შენდობა.
- **თავს** მხოლოდ იმას უკრავდა, ვინც მის ჰანგებზე უკრავდა.

ალგანჯორ თაჰაქა

ნახ. მ. აბაშიძისა



ბარბოგანაბი



„ნიანუსი“ მკვირე

1960 წლის
30 იანვარი

უნიკალური

პირიბი ხულიგნობის ჩადენისათვის უღირსი სამეული — რამაზ გვიცის ძე რამიშვილი, თამაზ ივანეს ძე ლომია და პავლე ოლიფანტის ძე თურქია სახალხო სასამართლომ საერთო ანგარიშით ათი წლისა და რვა თვის პატიმრობით „დაჯილდოვა“. ეს „ჯილდო“ ასე განაწილდა: რამაზს — 4 წელი და 8 თვე, თამაზს — 4 წელი, ხოლო პავლეს — 2 წელი. „დაჯილდობისას“ სასამართლომ აღნიშნა: სამშენებლო სამმართველოს № 1 ტრესტის მუშა რ. რამიშვილი სამჯერ ნასამართლევი, თ. ლომია გაერთიანება „სოლანის“ შინამშენებარია, ხოლო პ. თურქია დანაშაულის ჩადენაში მათი თავგადაკაული და უხელფასო თანამონაწილეა.

დიდი ხნის განმავლობაში უმუშევარმა ფოთელმა ბაჩუკი შალვას ძე ფაჩულიამ გადაწყვიტა მუშობა დაეწყო მოქალაქეთა ბინებზე ყაჩაღური თავდასხმით. მოასწრო სამი ბინის გაქურდვა, მაგრამ მეტისა ვეღარ, რადგან დანაშაულზე წაასწრეს. სახალხო სასამართლომ მას ქურდობა-ყაჩაღობისათვის ხუთი წლით თავისუფლების აღკვეთა მიუსაჯა.

დავით ამირანის ძე პოპიაშვილი, პროფკავშირის სახსლის დარაჯი, დღისით ბაღში მიუვარდა ინვალიდ გოგონას, წაართვა საყურეები და მიიმალა. ვაი-გმირი მალე შეიპყრეს. ეს მძარცველობა მას 4 წლით თავისუფლების აღკვეთად დაუჯდა. რაც კიროვის რაიონის სახალხო სასამართლოს განაჩენით დადასტურდა.

დავით შოთას ძე ხორბალაძე პატიოსან შრომას გაურბოდა, უშრომლად გამდიდრებაზე ოცნებობდა და ამ მიზნით ქურდობის გზას დაადგა. მიზანში ამოიღო ქ. თბილისში წერეთლის ქუჩაზე მდებარე ერთ-ერთი ბინა, საიდანაც ქურდულად გაიტაცა სხვადასხვა ნივთები. მაგრამ დ. ხორბალაძე მალევე დააკავეს და იგი მართლმსაჯულების წინაშე წარსდგა.

სალიმი პლატონის ძე ჯანელიძემ, სამთო ქიმიის სამშენებლო სამმართველოს სოფელ ჟონეთის უბნის მუშამ, სხვადასხვა დროს ოთხჯერ ნასამართლევი, საშინო რეციდივისტად ცნობილმა, მართლაც რომ ვერ ინწყავლა ჰკუა. ჯერ ოფურჩხეთის ჩაის მისაღები პუნქტიდან თვითმცვლელი მანქანა გაიტაცა მთვრალმა, სხვის ავტომანქანას

დააჯახა და დაზიანა. მერე ღამით ჩაის ფაბრიკის მახლობლად სროლა ატეხა რევოლვერით, რასაც უნებართვოდ ატარებდა. მეორე დღეს ეს იარაღი საკარმიდამო ნაკვეთში ჩაფლა ელექტროდეტონატორებთან და ამონაღთან ერთად.

წყალტუბოს რაიონის სახალხო სასამართლომ ა. ჯანელიძეს ხუთი წლით თავისუფლების აღკვეთა მიუსაჯა განსაკუთრებული რეჟიმის შრომა-გასწორების კოლონიაში მოხდით.

აბდულშაჰიდ ბადრუდინის ძე ხალიკოვი ჩხუბსა და აყალმაყალს ეძალეობოდა. ერთ-ერთი ასეთი ჩხუბის დროს გულმკერდში დანა ჩასვა ა. მუსაევს, რითაც მას სხეულის მძიმე დაზიანება მიაყენა.

გარდაბნის რაიონის სახალხო სასამართლოს განაჩენით, წინათ ნასამართლევი ა. ხალიკოვს, მიესაჯა 9 წლით თავისუფლების აღკვეთა გაძლიერებული რეჟიმის შრომა-გასწორების კოლონიაში მოხდით.

ვაჟა არსენის ძე მარტიაშვილი სოფელ დიდ დმანისში ერთ ჭერქვეშ ცხოვრობდა საკუთარ მამასთან ხანგრძლივი დროის მანძილზე. მამა-შვილი ჩხუბობდნენ ერთმანეთში, ბოლო თვეებში დაუძძარდნენ კიდევ ერთმანეთს, მაგრამ ერთ დღეს კვლავ ატეხეს აყალმაყალი და შვილმა მამა დანით მოკლა.

ამ საზარელი დანაშაულის განხილვას მიეძღვნა დმანისის რაიონის სახალხო სასამართლოს პროცესი. სასამართლოს განაჩენით მამის მკვლელს ვ. მარტიაშვილს მიესაჯა რვა წლით თავისუფლების აღკვეთა.

აბესალომ სიმონის ძე ჩარკვიანის, შურა რომანის ძე ბლუაშვილის, გიორგი ვლადიმერის ძე ჭიპაშვილის და გურამ გრიგოლის ძე თუთბურაძის „კაი კაცობა“ აღნუსხულია სისხლის სამართლის ორტომიანი საქმის 684 ფურცელზე. აბესალომი ნასამართლევი 6-ჯერ, „განსაკუთრებით საშინო რეციდივისტად“ ცნობილ იქნა 1978 წელს, გიორგი ნასამართლევი 3-ჯერ, გურამიძე — 3-ჯერ, ოთხივენი უზომოდ მთვრალეები, გაქურდვის მიზნით, თავს დაესხნენ ა. კაკაიანს, სცემეს, აწამეს, მერე მის ცოლისდას მერი გუდაძეს ოქროულობა და 1585 მანეთი წაართვეს...

ორჯონიკიძის (ხარაგაულის) რაიონის სახალხო სასამართლომ მიუსაჯა: შ. ბლუაშვილს 7 წლის პატიმრობა ქონების კონფისკაციით, გ. ჭიპაშვილს — 6 წლის პატი-

რობა ქონების კონფისკაციით, გ. თუთბურაძეს 2 წლის პატიმრობა. განსაკუთრებით საშიში რეციდივისტი ა. ჩარკვიანი იძულებითი მკურნალობისათვის გაიგზავნა სპეციალური ტიპის ფსიქიატრიულ საავადმყოფოში.

ჯამალ დავითის ძე არჩაიამ, თბილისის № 4 ტექსტოლოგების პარკის მძღოლმა და ადრე ნასამართლევი, ჩაიდინა სისხლის სამართლის დანაშაული. იგი ბინაში შეეჭრა ლიანა მაჭარაძეს, დანითა და იარაღის მუქარით წაართვა 2500 მანეთი, აგრეთვე სხვადასხვა ნივთები, რამაც საერთო ღირებულებით 4460 მანეთი შეადგინა.

ლენინის რაიონის სახალხო სასამართლომ ჯ. არჩაიას მიუსაჯა 10 წლის ვადით თავისუფლების აკვეთა სასჯელის მკაცრი რეჟიმის კოლონიაში მოხდით, აგრეთვე დაზარალებულის სასარგებლოდ 4.460 მანეთის გადასდა დააკისრა.

გიორგი პეტრეს ძე გასპაროვი მუშაობდა მერიის ლენინის ქარხანაში ვაგონის გამცილებლად, ზურაბ მამიას ძე ბოლქვაძე კი ბათუმის სამხატვრო სასწავლებლის მეოთხე კურსზე იყო. მათ ერთი და იმავე მცირეწლოვანის მიმართ ჩაიდინეს სისხლის სამართლის დანაშაული.

აჭარის ასსრ უმაღლესი სასამართლოს სისხლის სამართლის საქმეთა სასამართლო კოლეგიის განაჩენით გიორგი გასპაროვს 13 წლით, ხოლო ზურაბ ბოლქვაძეს 10 წლით თავისუფლების აღკვეთა მიესაჯა.

ჯუშუპარ ნუგზარის ძე გონგლაძემ ბორჯომის პროფტექსტსწავლებლის მოსწავლემ, ბორჯომის პარკში, შურისძიების ნიადაგზე, წინასწარი განზრახვით მოკლა ბორჯომის რკინიგზის საშუალო სკოლის მეათე-კლასელი ზურაბ ელიზბარის ძე იობაშვილი.

ბორჯომის რაიონის სახალხო სასამართლომ მას 10 წლით თავისუფლების აღკვეთა მიუსაჯა.

ამ მკვლელობასა და საკასაციო საჩივართან დაკავშირებით გამოტანილ კერძო განჩინებებში დაისვა პ. პოშენონოვის, ზ. ტეტუნაშვილის, თ. წიქარიშვილის, რ. ნოზაძის, გ. გუბაევის, შ. მეღვიძიძის, გ. შალაშვილის, ზ. კობიძის და გ. სვანიძის მიმართ სისხლის სამართლის საქმის აღძვრის საკითხი, ვინაიდან ისინი ორ ჯგუფად გაყოფილმა ჩხუბში მონაწილეობდნენ სხვადასხვა ზომით, რაც წინასწარმა გამოძიებამ მხედველობიდან გაუშვა.

ს. ხაპალაძე



— ეს კაცი სტადიონზე დასაძინებლად მოვიდა?!
— არა, ლატარიის ბილეთი აქვს და დაგვიბარა,
პირველი ტაიმი რომ დამთავრდება, გამაღვიძეთო!



— სუ, ცუგა! წილის გარეშე არ დაგტოვებთ!

სხარტულეგი

სუბიექტივისტი

ეროვნული
ბიბლიოთეკა

მრისხანე მზერას მოავლებს
ირგვლივ
ყველას და... მხოლოდ ეს ფიქრი
„ტანჯავს“:
„მე რასაც ვიტყვი, ირწმუნეთ იგი
დაუფიქრებლად!.. არ უნდა განსჯა!“
და აფთიაქის ის დებს სასწორზე
სხვის მორჩილებას!..
სხვას არას ეძებს
და არც კითხულობს,
რომ სხვაც აზროვნებს
და სხვასაც თავი აბია მხრებზე!

მარტივი დასკვნა

ამის მიხვედრას რად უნდა ჯაფა,
ამის მიხვედრას რად უნდა
სიბრძნე? —
ცხადია, ვინც ფულს იოლად ფანტავს,
ის ფულს ასევე იოლად იძენს!..

გიორგი შეთაქაური

დაეკარგა ნიღაბი!..

აღმა-დაღმა მიდიოდა
ლალი ჭუნებ-ჭუნებით!..
ერთხელაც არ ისარგებლა
კუთვნილ წუთმესვენებით!..
არავინ არ „გაუწირავს“
კრულვით და შეჩვენებით!..
ააყუავა საქართველო
„დიდი“ აღმოჩენებით!..
გული „აუმღერდებოდა“
სურგის აღმოცენებით!..
ყველას, ყველას სიბლავდა
თავის „აღმაფრენებით“!..
უცებ ფენი დაუცურდა
და დაკარგა ნიღაბი!
ცისე-კოშკი ჩამოეწვრა,
ჩაიშალა დუღაბი!..
ჩამოართვეს სასახლენი,
„ვოლგები“ და ბაღები!..
სმელა პურზე დატოვეს
დიდი ქაფის ამღები!..
დაღმა-დაღმა მიდის დღეს
ოხერით, სვენებ-სვენებით,
გვტოვებს რისხვიდ, მუქარით,
კრულვით და შეჩვენებით!..

პანტანა ნარსავიძე



ოლონდ გიპოვოს რაიმე ნაკლი
ჩასაფრებულთა ბრბომ, –
ჭორებს შეაფრქვევს შენეულ
აპრილს,
გაგაქილიკოს რომ!
ფრთები ესხმება სულით უმწიფარს,
სხვისი ნათელით ბრმას,
იმასაც წაშლის ხელად უტიფრად,
რა ღირსებებიც გაქვს!
თავს ვერ დააღწევ ჭორების მომგონ
ბრბოს, მზედ იქეცი თუნდ,
არადა, გინდა იცხოვრო როგორ, –
ნაკლი არ გქონდეს სულ!

მიჭირს შემოსვლა დაკეტულ კარში,
გვიან დავიწყე ლექსების წერა,
დაგვიანებულს ცოტა აქვს ფასი,
დაგვიანებულს ამჩნევენ ძნელად!
თქვენ ირონიულ მზერას ნუ
მესვრით,
ბოლოდან თუ მსურს გავიდე თავში!
მკითხველს სჭირდება პოეტის ლექსი
და არა მისი მეტრიკის ასლი!

არსენი „უფალი“

ვინ დააცლის ქალაქებს
აყვავებას ათასგზის?
ღმერთი ანლაც ჯოხს ურევს
კართაგენის ნაცარში!..
ვინ დათვალოს ქვეყნები,
ამომწყდარი უკვალოდ?
ოჰ, შე ნაცარქექიაგ,
არსენო „უფალი!“

ზობიართი მრატორი

მიზეზი თუ მიეცემა, ზოგი
ვაპოიჩენს ორატორის უნარს
და კრებაზე იმისათვის მოდის,
რომ ასწავლოს თანამშრომლებს
ჭკუა.
თქმის უფლება მიეცემა როგორც,
მონდომებით იწყებს სხვების
ქირდვას,
არ დაეძებს, რას ლაქლაქებს, ოლონდ
ჩაეთვალოს გამოსვლაში სიტყვა!
გაბედულად გაატანე ნიავს,
ტრიბუნიდან რომ ჩაგძახის ხვითო!
ვისაც ჩვენი ყურთასმუნა მიაქვს,
იმაზე კარგს რას მოგვიტანს ვითომ?!



წიგნი

ზოგჯერ მიცისკრებ აპრილს,
ნეტარებისკენ მგზავნი,
ზოგჯერ კი ისე დამლღი,
რომ მოგისროლო ლამის!
ხან ჩაუჭრობელ ხანძრებს
სულში გულდაგულ მინთებ,
ისეთ მალამოს მაცხებ,
მკურნალს შეშურდეს იქნებ!
ზოგჯერ ძალა გაქვს ნაღმის,
ფიქრებს ამიშლი იმდენს,
შენი სტრიქონის ბანგი
გზაზე მიფანტავს ნისლებს!
როცა არა გაქვს ფორმა,
შიგ შინაარსიც არ დევს, –
ველარ ვიკავებ ბოდმას –
ვამბობ: „ვაი შენს დამწერს!“



წუთისოფელს

ყველგან ჭიხვინებს სიკვდილის
ცხენი,
ვის დასცალდება ვულკანის გზნება?
სიცოცხლე არის კიაფი ელვის,
განათებს და მაშინვე ქრება!..
წუთისოფელო, მოვსულვარ
სტუმრად,
რატომ არ მიშლი საკადრის სუფრას?
გატყობ,
გაწირვას მიპირებ ჩუმად! –
სტუმარს ასეთი დახვედრა უნდა?

ტერნო

სულში რომ ჩასწვდე მკითხველს
იჭვიანს,
უნდა ებრძოლო რამდენ სატანას!..
ლექსის დაწერა ერთი ნიჭია
და მეორეა მისი გატანა!
ბევრი უმღერის შრომით სარაჩოს,
ზოგიც – ბარაქას სავსე გოდრების!..
მე მწერლობაში ლოტოს ვთამაშობ,
სულ ტერნო ვარ და სულ ველოდები!

სიკვდილზე როდი უნდა გაბრაზდე,
ადრე თუ გეძებს გასავლელ გზებზე,
ის გაიფიქრე, თუ შენს საფლაგზე
რამდენი მოვა სიკვდილის შემდეგ!
უნდა იბრწყინო მთელი არსებით,
დრო ყურდლებას აფასებს ძვირად!
გასვენებაზე ჩემი ნაცნობის
ხალხს ელოდნენ და...
მოვიდა წვიმა!..


**საქართველოს სსრ ვაჭრობის
სამინისტრო:**

„ნიანგის“ მიმდინარე წლის მე-7 ნომერში დაბეჭდილი კრიტიკული ფელეტონი სათაურით — „შესვედრა გოლიათების მალაზიის“, რომელიც ამხელდა მალაზიის ნაკლოვანებას დიდი ზომების ტანსაცმელითა და ფეხსაცმელით მომარაგების საქმეში, განხილულ იქნა სპეციალურ თათბირზე, სადაც მოწვეული იყო ქ. თბილისის აღმასკომის ვაჭრობის სამმართველოსა და რესპუბლიკური საბითუმო ბაზების საქტანსაცმელვაჭრობისა და საქფეხსაცმელვაჭრობის ხელმძღვანელი მუშაკები, რის შედეგადაც თბილისის აღმასკომის ვაჭრობის სამმართველოს დაევალა, დასახოს კონკრეტული ღონისძიებანი დიდი ზომის ტანსაცმელითა და ფეხსაცმელით მომხმარებელთა მოთხოვნილებების დაკმაყოფილებისათვის, აღნიშნული საქონლის სავაჭრო ფართის გასაზრდელად და ამ საქონლით ვაჭრობის ორგანიზაციის გასაუმჯობესებლად. რესპუბლიკის საბითუმო ბაზებს საქტანსაცმელვაჭრობასა და საქფეხსაცმელვაჭრობას მიეცათ მითითება, საქართველოს მსუბუქი მრეწველობის სამინისტროს შესაბამის სამსახურთან ერთად, შეიმუშაონ ღონისძიებანი სამრეწველო საწარმოების მიერ აღნიშნული საქონლის სავაჭრო ორგანიზაციების განაცხადების უცილობელი შესრულების მიზნით და ცალკეულ შემთხვევებში უზრუნველყონ დიდი ზომის ტანსაცმლისა და ფეხსაცმლის ბაზებში შეიძვა, დახარისხება და სავაჭრო ობიექტებისათვის მისი მიწოდება.

საქართველოს სსრ ვაჭრობის სამინისტროს მიერ დაწესებული იქნება სისტემატური კონტროლი დიდი ზომის ტანსაცმელითა და ფეხსაცმელით მომხმარებელთა დაკმაყოფილებისათვის“.

**სახალხო დეპუტატთა თბილისის
ორჯონიძის რაიონის
აღმასკომი:**

„ნიანგის“ მიმდინარე წლის მე-2 ნომერში გამოქვეყნებულ წერილში რუბრიკით — „თივე ტყუილსა გზა ფართო!“ — აღნიშნული კრიტიკული შენიშვნები სინამდვილეს შეეფერება.



სურსათვაჭრობის დიდი სამამულო ომის ინვალიდთა და მონაწილეთა მალაზია №29-ში მომხდარი დარღვევებისათვის მალაზიის გამგე გ. ოკინაშვილს ქ. თბილისის სახალხო კონტროლის კომიტეტის 1983 წლის 15 ნოემბრის №12/8 დადგენილებით გამოეცხადა საყვედური, რაც ჩვენს მიერ ცნობად იქნა მიღებული, ხოლო ამავე დადგენილებიდან გამომდინარე, ვაჭრობის დირექციის მიერ, ომის ინვალიდების მალაზიების მუშაობის გაუმჯობესების მიზნით დაშვებულ იქნა ვაჭრობის დირექციის 1983 წლის 30 დეკემბრის №406 ბრძანება, რომლის თანახმად სავაჭრო განყოფილებამ ყოველთვიურად თანაბარზომიერად უნდა მოამარაგოს ომის ინვალიდთა და მონაწილეთა 29-ე მალაზია, რათა მაქსიმალურად იქნეს დაკმაყოფილებული მათი მოთხოვნილება პირველი მოხმარების და მწვავე დეფიციტურ საქონელზე.

მიღებულ იქნეს აუცილებელი ზომები იმი-სათვის, რომ არ მოხდეს სამამულო ომის ინვალიდთა და მონაწილეთა მალაზიებში პროდუქტების გაცემა გარეშე პირებზე“.

**აგარაულ-სამრეწველო სავაჭრო
რესპუბლიკური გაერთიანება
„თბილისილგოსტანვაჭრობა“**

„ურნალ“ „ნიანგის“ 1984 წლის მე-12 ნომერში გამოქვეყნებული მამხილებელი სტატია — „ვაჭრობა და საზოგადოება“, რომელშიც ყურადღება გამახვილებული „თბილისილგოსტანვაჭრობის“ სისტემის გარე გამოყენების მუშაობაში არსებულ ხარვეზებზე, სინამდვილეს შეეფერება.

აღნიშნული სტატია განხილულ იქნა „თბილისილგოსტანვაჭრობის“ დირექციასთან არსებულ ვაჭრობაში სახელმწიფო დისციპლინის განმტკიცების და სხვა ნევატიური მოვლენების წინააღმდეგ მებრძოლი კომისიის სხდომაზე. 1984 წლის 27 ივლისის №1-171 ბრძანებით გამოიდგევილი ო. ზედეულაშვილი დათხოვნილი იქნა სამუშაოდან, გამოიდგევილი მუშაობაზე სუსტი კონტროლისათვის მალაზიის გამგე ზ. მესხს გამოეცხადა სასტიკი საყვედური“.


**საქართველოს სსრ გაზიფიკაციის
სახელმწიფო კომიტეტის გურჯაანის
გაზის მეურნეობის საქსპლუატაციო
საწარმოო ტრესტი:**

„ნიანგის“ 1984 წლის მე-12 ნომერში გამოქვეყნებული კრიტიკული შენიშვნა სიღნაღის რაიონის სოფ. ანაგაში თხევადი გაზის ბალონებით არაღებულად მომარაგების შესახებ, სინამდვილეს შეეფერება.

სოფელ ანაგის თხევადი გაზით მომარაგების საქმეში გასულ წლებში ნამდვილად იყო შეფერხებები, ახლა მდგომარეობა გამოსწორებულია. 1984 წლის 7 თვეში, ერთ აბონენტზე, ნაცვლად 12,0 კგ თხევადი გაზისა, გაცემულია 13,2 კგ თხევადი გაზი.

გურჯაანის გაზის მეურნეობის საქსპლუატაციო საწარმოო ტრესტის მიერ სოფელ ანაგაში თხევადი გაზის ბალონებით მომარაგების საკითხი აყვანილია კონტროლზე, რათა მოსახლეობა დაკმაყოფილდეს მოთხოვნილების მიხედვით“.

ნახ. 3. კუჭიანი



უსიტყვოდ



უსიტყვოდ



იტალიური იუმორი

— კიდეც ერთი შეკითხვა, ჩემო გოგონა! — მიმართავს ქალბატონი ჭინა გლუნის გოგოს, რომლის შინამოსამსახურედ აუვანას აპირებს, — კატები და თუთიყუშები თუ გიყვარს?

— სენიორა, მე აზიზი არა ვარ, ყველაფერს ვყავ!

* * *

აფთიპის შეპატრონებმა ცოტა მოგვიანებით შეამჩნია, რომ მისმა გამყიდველმა კლიენტს, ასპირინის ნაცვლად, შემთხვევით დარიშხანი მისცა.

შეპატრონე სასწრაფოდ გამოვარდა შენობიდან და კლიენტს მეზობელ ქუჩაზე დაეწია.

— მაღლობა ღმერთს! — შეფთიაქემ შვებით ამოისუნთქა, — თქვენი პოვნის იმედი თითქმის აღარ მქონდა.. ასპირინის ნაცვლად დარიშხანი მოგვიდეს.. თქვენ კი კარგად მოგეხსენებათ, რომ დარიშხანი ოთხასი ლირით მეტი ღირს!

* * *

ადვოკატის განებვირებულმა ძალმა კაფეს ვიტრინა ჩამატერია.

კაფეს შეპატრონე ადვოკატს ეწვია.

— იცით, რა, ერთმა ძალმა ჩემი დაწესებულების მინა ჩამატერია, როგორ გგონიათ, შემიძლია, მის პატრონს ზარალი ავანაწლურებინო?

— რა თქმა უნდა!.. უბასუხა ადვოკატმა და ჩამოუთვალა კანონის ყველა ის პუნქტი, რომელიც მსგავს შემთხვევას ითვალისწინებდა.

— ძალიან ვწუხვარ, მაგრამ, როგორც დავაღვინე, ის ძალი თქვენი უფილა! — უთხრა კმაყოფილმა კაფეს შეპატრონემ.

— მითხარით, რა ღირს მინის ჩასმა?

— ათასი ლირა.
— ჩემი კონსულტაცია კი ხუთი ათასი ლირს, ძვირფასო!

* * *

სასამართლო პროცესი მიმდინარეობს. ბრალდებულს ზედმიწევნით წესიერი მოქალაქის გარეგნობა აქვს.

პროკურორი დაიბნა, აღარ იცოდა, როგორ მიემართა მისთვის — „შენობით“ თუ „თქვენობით“. ბოლოს გადაწყვიტა და ასე დაიწყო:

— მაშ, ასე, ჩვენ მოვიპარეთ...

— ბოლიში მომიტხოვია, — აწყვეტინებს პროკურორს ბრალდებული, — თქვენ თუ რაიმე მოიპარეთ, არ ვიცი, მე არაფერი არ მომიპარავს!

* * *

კბილის ექიმთან: — სენიორა, არაა საჭირო ამხელაზე პირის დაღება!

— თქვენ ხომ მითხარით, ხახში უნდა ჩაგხელოთო?

— მართალია, ვითხარით, მაგრამ მე ხახის გარეთ უნდა დავჩენილიყავი.

იტალიურიდან თარგმნა გინ ბუნსნიკაშვილმა


უცხოური იუმორი

ნახ. მატუისი (რუმინეთი)



უსიტყვოდ

ნახ. კ. კლისოვის



უსიტყვოდ

სატირისა და იუმორის ყურნალი „ნიანგი“ № 22 (1680) ნომერბერი, გამოდის 1923 წლის ივნისიდან.

მთავარი რედაქტორი ჯაშრ ბოლქვაძე

სარედაქციო კოლეგია:

ავთანდილ ადგიშვილი (პასუხისმგებელი მდივანი), ჭაბუა ამირეჯიბი, ნოზლი ბართაია, ბორის გურგუულია, რევაზ თვარაძე, ჭეშალ დოლოლა, ნოდარ მაღალაშვილი (მხატვარ-რედაქტორი), ალექსანდრე საშხონია, ზეენ სიხარულიძე (მთავარი რედაქტორის მოადგილე), ჯანსუღ ჩარკვიანი, თამაზ წიგწივაძე, ნაფი ჭუსთიძე.

ტექნიკური რედაქტორი მინიელ კუხალაშვილი

გადაეცა ასაწყობად 22. 10. 84 წ. ხელმოწერილია დისაბეცვლად 27. 11. 84 წ. ქალაქის ზომა 60 X 90/16 ფიზიკური ნაბეჭდი ფურცელი 1,25, სალორიტეხო-საგამომცემლო თაბახი 1,9. საქართველოს კ. ც. ვ. გამომცემლობა, ლენინის, 14. შეკვეთა № 2388 უე 08284. ტირაჟი 142 700. უფრნალი გამოდის თვეში ორჯერ. რედაქციაში შემოსული მასალები ავტორებს არ უბრუნდებათ.

ჩვენი მისამართი: 380008, თბილისი-8, რუსთაველის პროსპექტი № 42. ტელეფონები: მთავარი რედაქტორის — 99-55-54, მთ. რეგ. მოადგილის — 93-19-42, პ/მგ მდივნის — 93-10-78, მხატვარ-რედაქტორის — 99-02-38, განყოფილებათა გამგეების — 93-49-32, რედაქტორ-ლიტმუშაკების — 99-02-38, მდივან - მეგანქანის — 99-76-69.

სატირიკო - юмористический журнал «НИАНГИ» (На грузинском языке) Тбилиси, пр. Руставели № 42. Издательство ЦК КП Грузии, Типография издательства ЦК КП Грузии, Тбилиси, улица Ленина № 14.

ფასი 20 კაპიკი 05დამსი 76137

КОНТРОЛЬНЫЕ

